



Amorebieta-Etxanoko Udala
Bizkaia

KALEKO SALMENTA ARAUTZEN DUEN ORDENANTZA.

HITZAURREA

Kaleko salmentak gero eta garrantzi handiagoa duenez, beharrezkoa da zenbait neurri hartzea: alde batetik, iharduera horiek lehia aske eta leialean egiten direla ziurtatzeko eta, bestetik, kontsumitzaileen legezko eskubideak zaindu eta bermatzeko, bai eta horien osasuna eta segurtasuna babesteko ere, eta eskaintzen diren ondasun eta zerbitzuen kalitatea ziurtatzeko.

Asmo horrekin osatu da kaleko salmentaren prozedura eta baldintzak arautzen dituen ordenantza hau. Hori guztia indarrean dauden arauak betetzeko.

ATARIKO IDAZPURUA. EZARPEN EREMUA.

1. atala: Ordenantza honen helburua kaleko salmenta arautzea da Amorebieta-Etxanoko udalerrian.

2. atala: Kaleko salmenta. Zer den.

Kaleko salmenta norbanakoek edo lege nortasundunek, beti edo noizean behin, merkataltegietatik kanpo, saltoki edo eraikuntza desmuntagarrietan edota ibilgailuetan, egindako salmenta da. Kaleko salmentari ekiteko udalaren baimena behar da; baimen hori besterenezina izango da eta gehienez urtebeteko iraupena izango du, ordenantza honetako 25. atalean jasotako kasuetan izan ezik.

3. atala: Kaleko salmenta motak.

Ordenantza honen aplikazio-eremuari dagozkion kaleko salmenta motak honako hauek dira:



**Amorebieta-Etxanoko Udala
Bizkaia**

a) Aspalditik antolatu izan diren aldizkako merkatuak edota merkatu berriak, leku jakinetan jartzen direnak. Geihenez asteen bitan antolatuko dira.

b) Azokak, jaiak, herriko ospakizunak edo eskulagintza-azokak direla eta, noizean behin ezartzen diren merkatuak.

4. atala: Leku jakinetan jartzen diren aldizkako merkatuak.

1.- Kanean saltzen duten saltoki-multzoek osatzen dituzte honelako merkatuak, tradiziodunak, eta udalak erabakitako lekuetan egiten dira maiztasun finkoz.

2.- Amorebieta-Etxanoko Udalerrian ezaugarri hauek betetzen dituen azoka, domekero goizeko 8etatik 11.30ak arte Ixer inguruan egiten dena izango da. Planoa eransten da”.

5. atala: Noizbehinkako merkatuak.

1. Herriko, estatuko edota autonomi elkarteko jaiak edo festak direla eta, noizean behin antolatzen diren merkatuak dira, bai eta udaldian edota kirol-, kultur- edo jai-giroko gertakariak direla eta antolatzen direnak. Jai horiek ospatzen diren aldian janari-edariak saltzea ere noizbehinkako merkatutzat jotzen da.

2. Eskulangintza-azokak ere mota honetakoan artean sartzen dira. Azoka horiek udal-baimenen jabe diren pertsona guztientzat amankomunak diren ihardueraren edo ihardueren babesean sortutakoak dira. Azoka horiek ez dira ohikoak izaten eta horien kokapena, maiztasuna eta saltoki-kopurua aldez aurretik erabakiko dira, alkatetzak emango duen ebazpenaren bidez.

Salmenta egiten duenak berak edo beste batzuek egindako eskulanak saltzea baimentzen da merkatu horietan, hala nola: larruzko gaiak, keramikazkoak, margoak, eskulturak, apaingarriak, etab.

6. atala: Kamioi-dendatan egiten den salmenta.



**Amorebieta-Etxanoko Udala
Bizkaia**

1. Salmenta-mota hau egiteko, saltzaileak furgoneta- edo kamioi-moduko ibilgailuren bat erabiltzen du, beti ere garraioari eta baimendutako produktuen salmentari dagozkion arauen arabera egokitutakoa.

Iharduera aldizkakoa edo noizbehinkakoa izango da, eta Udalaren baimenean agertzen den lekuan edo lekuetan egingo da.

2. Jan-edarien salmentari dagokionez, ibilgailuari egin zaizkion egokitzapenak eta osagarriak ere agertuko dira, teknika- eta osasun-arloko araudi aplikagarriak betetzen dituen edo ez egiaztatzeko.

3. Baimena emateko 14. atalean eskatzen diren baldintzez gain, eskabide-egileek honako agiriak erantsi beharko dizkiote eskabideari: ibilgailuaren zirkulazio-baimena, ibilgailua erabiltzen duenaren gida-baimena eta dagokion IAT gaingitu izana egiaztatzen duen agiria.

7. atala: Ezarpen finkoko txosna desmuntagarrietan egiten den salmenta.

1. Kaleko salmenta-mota honetan honako hauek sartzen dira:

- a) Karamelu (gozoki) eta fruitu idorren saltokiak.
- b) Bisuteria eta eskulanen saltokiak.
- c) Ekonomia- edo gizarte-arloko gauza edo argitalpen saltokiak.
- d) Zirkuak, antzokiak eta bestelako ikuskizunak ezartzen direnean jartzen diren saltokiak.
- e) Loreak eta landareak saltzeko berariazko saltokiak.

2. Ez dira atal honetan sartzen desmuntatzen ez diren saltokiak, honako salgai hauek saltzen dituztenak:

- a) Txurro eta frijituen saltokiak.
- b) Izozki eta freskagarrien saltokiak.
- c) Gaztaina erreten saltokiak

3. Espreski salbuesten ez diren gainerako saltokiak kaleko salmentakotzat hartuko dira.



Amorebieta-Etxanoko Udala
Bizkaia

4. Egunkari, aldizkari, ONCE eta noizbehinkako argitalpenak saltzeko saltokiak berariazko arauetan ezarritakoaren arabera arautuko dira.

8. atala: Ez dirainola ere kaleko salmentatzat hartuko:

- 1.- Etxez etxeko salmentak.
- 2.- Urrutiko salmentak.
- 3.- Aldizkako salmentak.
- 4.- Makina automatikoen bidezko salmentak.

9. atala: Ordenantza honetan aurrikusitako kasuez kanpoko kaleko salmenta debekatuta dago udalerrri honetan.

I. IDAZPURUA. KALEKO SALMENTARAKO BAIMENDUTAKO SALTOKI ETA PRODUKTUAK.

10. atala. Sal daitezkeen produktuak.

1. Janari-edariak kaleetan saltzea baimendu ahal izango da, baldin eta indarrean dauden arauak produktu horiek saltzea debekatzen edo mugatzen ez badute, edo agintaritza eskudunen iritziz osasunerako arriskurik ez badute.

2. Saltzeko baimenen jabe direnek, merkaturatzen dituzten produktuen teknika- eta osasun-arloko araudiak eta ezargari zaizkien gainerako arauak bete beharko dituzte.

11. atala. Saltokiak.

1.- Saltokien kopurua, horietako bakoitzean salduko diren salgaien adierazgarri eta guzti, saltokien neurriak eta gainerako baldintzak baimen bakoitzean zehaztuko ditu organo eskudunak, interesatuen ordezkariari alde aurretik entzun ondoren.



Amorebieta-Etxanoko Udala
Bizkaia

2.- Baimenen jabeek zehazten diren baldintzetara egokitu beharko dituzte euren instalazioak, beti ere kontuan izanik instalazio desmuntagarri eta garraiagarriak izan beharko dutela, eta segurtasun, osasungarritasun eta kaleko egokitasun baldintzak bete beharko dituztela.

3.- Udalak, merkatuaren funtzionamendu egokirako eta zainketarako, eskalako plano bat egingo du, eta bertan azalduko dira saltoki guztiak nola banatzen diren, bakoitza bere zenbakiarekin. Zenbaki horiek bat etorriko dira udalak emandako baimen eta txartelekina.

12. atala. Janari-edariak kaleetan saltzeko saltokien baldintzak.

Janari-edariak kaleetan saltzeak dituen berezitasunak kontuan izanik, ordenantza honetan saltoki guztietarako ezartzen diren baldintza orokorrez gain, horrelako produktuak saltzen dituzten saltokiek merkataritza-produktuei eta instalazio horiei buruzko berariazko arauak ezartzen dituzten garbitasun- eta osasun-baldintzak eta bestelakoak ere bete beharko dituzte.

II. IDAZPURUA. KALEKO SALMENTA EGITEA.

I. ATALBURUA. Kaleko salmenta egiteko baldintzak.

13. atala. Amorebieta-Etxanoko udalerrian kaleko salmentarako honako baldintza hauek bete beharko dira:

1.- Dagokion Iharduera Ekonomikoen gaineko Zergaren epigrafeetan izena emanda egotea eta zerga hori ordainduta izatea.

2.- Gizarte Segurantzaren erregimenean izena emanda egotea eta kuota guztiak ordainduta izatea. Lege nortasundunen kasuan, Gizarte Segurantzaren enpresa bezela izena emanda egotea, bere langileak afiliatuak izatea eta kuota guztiak ordainduta edukitzea.



**Amorebieta-Etxanoko Udala
Bizkaia**

3.- Merkataritza-produktuei eta instalazioei buruzko berariazko arauak ezartzen dituzten garbitasun- eta osasun-baldintzak edo bestelakoak betetzea.

4.- Saltokiak erantzun zibileko aseguru izatea

5.- Udal-baimena edukitzea.

6.- Dagozkion tasak ordaintzea.

7.- Atzerritarren kasuan, dagozkien egoitza- eta lan-baimenak lortu izana egiaztatzen duten agiriak, edota egoitza izateko eta lan egiteko gaitasuna ematen dien beste edozein agiri edukitzea.

II. ATALBURUA. Udal-baimenak.

14. atala. Baimena eskuratzeko, doakionak eskatu egin beharko du lehenengo, Udaleko Alkatetzari zuzendutako idazki bidez, eta bertan honako hauek adieraziko dira:

- a) Eskabide-egilearen izen-abizenak edo bere kasuan, enpresa izena.
- b) NAN edo ANA eta IFZren zenbakia, pertsona juridikoen kasuan.
- c) Helbidea.
- d) Instalazio eta salgaien deskribapena.
- e) Pertsona juridikoen kasuan, jarriko da baita ere baimena erabiliko duen entitateko langilearen edo bazkidearen izena, egoitza eta N.AN.
- f) Lekua, eguna eta orduak, eta hala badagokio, maiztasun eta kokapen finkoko zein merkaturako eskatzen den baimena.
- g) Zenbat metro hartuko dituen instalazioak.

15. atala. Aurreko atalak aipatzen duen eskabideaz gain, eskabide-egileak agiri hauek ere ekarri beharko ditu:

- a) NAN, ANA edo, hala badagokio, IFZren fotokopia, eta atzerritarrek beregaineko lan-baimenaren eta egoitza-baimenaren fotokopia, edota egoitza izateko eta lan egiteko gaitasuna ematen dien beste edozein agiri.



Amorebieta-Etxanoko Udala
Bizkaia

b) Titularraen Gizarte Segurantzako kotizazioen alta eta azkeneko ordainagiriaren fotokopia erkatua.

c) Titularraren Iharduera Ekonomikoen gaineko Zergaren alta eta azkeneko ordainagiriaren fotokopia erkatua.

d) Saltokiaren erantzukizun zibileko aseguruaren fotokopia erkatua.

e) Lege nortasuna dutenen kasuan, enpresaren eraketa agiria, Erregistro Merkantilean behar bezela inskribatua, hala behar izanez.

Era berean, ordezkaritza baliotu egin beharko da zuzenbidearen aldetik indarra duen edozein baliabidez edota, eskaera egileak berak deklarazioa eginez.

f) Janari-edariei dagokienez, janari erabiltzailearen-txartela, arauen arabera beharrezkoa izan dadin produktuentzat.

g) Titularraren izenean noizean behin jarduteko baimena edukiko luketen pertsonen nortasuna ziurta dezaten agiriak.

III. ATALBURUA.Prozedura.

16. atala. Eskabidea eta dagozkion agiriak jaso ondoren, udaleko organo eskudunak agiri horiek eta gainerako txostenak aztertuko ditu, eta baimena eman edo ukatuko duen erabakiko du.

17. atala. Edonola ere, janari-edariak kaleetan saltzeko baimena emateko, agintaritza eskudunaren baietza beharko da.

18. atala: Udalaren baimenak nahitaez honako hauek jasoko ditu:

- Baimenaren titularraren eta haren izenean iharduerari ekiteko baimenduta dagoenaren edo daudenen identifikazioa.



**Amorebieta-Etxanoko Udala
Bizkaia**

- Kokapen eta maiztasun finkoko merkatuko saltokiaren zenbakia edo, bestela, iharduera zein tokitan gauza daitekeen.

- Baimendutako produktuak.
- Iharduerari ekiteko egunak eta ordutegia
- Okupatuko den azalera.
- Instalazioaren ezaugarriak.

19. atala. Baimendutako saltzaile guztiei nortasun-txartela emango zaie, eta bertan honako hauek agertuko dira:

- Titularraren eta baimendutako pertsonen (horrelakorik badago) identifikazioa.
- Salmenta-baimenaren iraupen-aldia.
- Baimendutako produktuak.
- Saltokiaren zenbakia.

Nortasun-txartel hori, beti ere, eska dezan udaleko agintaritzaren eskueran egongo da.

20. atala. Baimenak aukerakoak izango dira eta, beraz, udalak, interesatuari entzun ondoren, ezeztatu ahal izango ditu, baimena emateko arrazoiak desagertu direla uste badu eta ordenantza hau eta arau ezargarriak betetzen ez badira. Baimena ezeztatzeak ez du kalte-ordaina hartzeko eskubiderik sortuko.

Saltzaile berari, epealdi baten barruan, ezingo zaio eman kaleko salmenta gauzatzeko baimen bat baino gehiago.



Amorebieta-Etxanoko Udala
Bizkaia

21. atala. Maiztasun edo kokapen finkoa duten azoketako saltoki finkoak urtean zehar hutsik gera daitezenean, heriotza, ezintasuna edota titularraren jubilazioa bitarteko, baimena lortzeko lehentasuna izango dute titularraren senar/emazteak eta aurreko zein ondorengo senitartekoek.

IV. ATALBURUA.- Udal-baimenaren ezaugarriak.

22. atala. 1. Udal-baimena norberarena eta besterenganaezina izango da. Edonola ere, baimen horretaz baliatu ahal izango dira nohizbehinkarako pertsona baimenduak.

2. Norbanakoen kasuan, baimenaren titularraren famili unitateko kideak eta hark izan ditzan langileak Gizarte Segurantzaren izena emanda badaude.

3. Lege nortasuna dutenen kasuan, artikuluko honen lehen zatia onorioetarako, Gizarte Segurantzaren izena emanda dauden enpresen kide eta langileak.

23. atala. Baimenak gehienez urtebeteko iraupena izango du, eta baimena ematen den urteko abenduaren 31n bukatuko da, noizbehinkako merkatu eta kamioi-dendetan egiten den kaleko salmentaren kasuetan izan ezik. Kasu horietan, baimenean bertan ezarriko da salmenta-mota hori zein egun jakinetan gauza daitekeen.

Baimena berritzeko, beharrezko agiriak aurkeztu beharko zaizko udal-agintaritzari horretarako ezartzen den epean.

V. ATALBURUA.- Baimenaren iraungitzea.

24. atala. Salmenta-baimena iraungitzeko arrazoiak hauexek izango dira:

- a) Baimenaren iraupen-aldia amaitzea.
- b) Titularrak baimenari uko egitea.
- c) Titularra hiltzea, edo, hala balegokio, enpresa desagitea.
- d) Saltokia eskuz aldatzea.



**Amorebieta-Etxanoko Udala
Bizkaia**

- e) Baimena galtzea dakarren zigorra.
- f) Dagozkion tasak ez ordaintzea.
- g) Baimena lortzeko eskatzen diren baldintza guztiak edo horietakoren bat galtzea.
- h) Udalak aurretik jakin gabe, lau astetan jarraian merkatura ez joatea.
- i) Udalak baimena ezeztatzen duelako, 20. atalean ezarrita dagoenez.
- j) Kokapen eta maiztasun finkoko merkatua edo udalerrian kaleko salmenta oro har kentzea.
- k) Berrikuntza ez eskatzeagatik

Iraungipena d), e), f), g) h) eta i) arrazoiei badagokie, udaleko organo eskudunak horretarako erabakia hartu beharko du doakionari entzun ondoren gehienez 15 eguneko epean.

**III. IDAZPURUA. KALEKO SALMENTA EGITEN DUTENEN
ESKUBIDE ETA BETEBEHARRAK.**

25. atala. Eskubideak:

1.- Amorebieta-Etxanoko udalerrian kaleko salmenta egiteko udal-baimenen titular direnek honako eskubide hauek izango dituzte:

- a) Baimena duten saltokiak betetzea.
- b) Udalak baimendutako salmenta-iharduera jendaurrean eta baketsu gauzatzea, baimenean zehaztutako ordu eta badintzetan.
- c) Baimendutako iharduera egin ahal izateko, herriko agintaritzen eta udaltzaingoaren babesa eskatzea.
- d) Saltoki baimendua jarri ohi den merkatua kendu egiten bada, udal-baimenaren titularrak haren ordeztu egin dadin merkatuan beste saltoki bat lortzeko lehentasuna izatea, eta, ahal den neurrian, iraungitako baimenaren baldintza berak gorderik, baimenean ezarritako aldi berean.



Amorebieta-Etxanoko Udala
Bizkaia

e) Iharduera gauzatzeko baimena dagoen merkatuaren funtzionamendua hobetzeko erreklamazioak eta iradokizunak aurkeztea.

f) Baimenaren titularrak Udalarengandik nortasun-txartela jasotzea: txartel horren edukia 19. atalean zehazten da.

g) Bere saltokia non kokatuko den jakitea. Saltoki hori, beti ere, solairu asfaltatu, zolatu edo zementoz estalitako zoruaren gainean ezarri beharko da.

h) Udalak ez aldatzea salmenta-egun baimenduak, jai edo ospakizun berezi batekin bat ez badatoz behintzat. Kasu horretan, nahikoa aurrerapenaz jakinaraziko du Udalak aldaketa hori.

2. Aldizkako merkatuetan kaleko salmenta gauzatzeko udal-baimenaren jabeek, halaber, azoka horietan salmetak eragindako hondakinak jasotzeko esparrua edo edukiontzia erabiltzeko eskubidea izango dute. Gainera, ahal den neurrian, eskueran izango dituzte merkatu horietan:

- a) Plazako iturria edo txorroteko ur-zerbitzua.
- b) Jendearentzako komunak merkatuko instalazioetan.
- c) Merkatu eremuan salmentak iraun duen bitartean sortutako hondakinak jasotzeko edukiontzia.

26. atala. Betebeharrak.

1. Kaleko salmenta egiteko udal-baimenen titularrek honako zehaztapen hauek bete beharko dituzte:

- a) Salmenta saltoki edo instalazio desmuntagarrietan egin beharko da, edota 11 eta 12. ataletan zehaztutako baldintzak betetzen dituzten kamioi-dendetan, hau da, garria-errazak eta iharduera horretarako egokiak direnetan.



**Amorebieta-Etxanoko Udala
Bizkaia**

b) Udal-baimena udal agintarien esku egongo da uneoro. Betebehar hori ez betetzeak edota baimenean zehazten ez diren produktuak saltzeak saltokia badaezpada ixtea ekarriko du, bidezko den zigor-espeditentari hasiera ematearen kalterik gabe.

c) Saltzaileek, merkataritza-iharduera gauzatzekoan, indarrean dauden unean uneko arauetan merkataritzaz, merkaturako jaurbideaz eta kontsumitzaile eta erabiltzaileen babesaz xedatutakoa bete beharko dute, baita indarrean dauden osasun-arauak bete ere.

d) Saltokietan txartelak eta etiketak ezarriko dituzte, eta horietan ikusteko moduan agertuko dira eskaintzen diren produktuen prezioak. Salgai dauden produktuen prezioa argi eta garbi azalduko da, beti ere gai honi buruz indarrean dagoen legeria betetzen dela. Multzoka saltzen diren produktuetan edo saltzeko prezioa janari-edariaren kopuru edo bolumenaren arabera ezartzen denean, neurri-unitate bakoitzari dagokion prezioa adieraziko da. Era berean, salgaien izakinak agerian edukiko dituzte, eta ezin izango da salgai horien zati bat bereizi, aukeratu edo ezkutatu.

e) Saltokien jabe direnak euren postuetan egongo dira ohi denez merkatuak zabalik dirauen orduetan, nahiz eta behar bezala baimendutako pertsonak egon ahal izan noizean behin.

f) Behar bezalako erakustagiriak dituzten udaleko langile edo agintaritzak eskatuta, saltzaileek eskatzen dizkieten agiriak erakutsi beharko dizkiete.

g) Salmenta egiten dutenen ibilgailuak ezin izango dira merkatuaren barrualdean egon, ez eta saltokiaren ondoan ere. Merkatuaren kanpoaldean horretarako jarriko diren tokietan aparkatu beharko dira. Kamioi-dendak debeku horretatik kanpo daude.

h) Baimenen titularrek salmentarako esparruak eta tokiak errespetatuko dituzte.



**Amorebieta-Etxanoko Udala
Bizkaia**

i) Kaleko salmeta egiten dutenek kontsumitzaileen erreklamazioak, horrelakorik badago, zein helbidetan jasoko diren adierazi beharko dute ikusteko moduan jarritako txartelaren bidez. Helbide hori, beti ere, salmentaren ordainagiri edo egiaztagirian azalduko da.

j) Salgai pisagarri eta neurgarriak eskaintzen dituzten saltokiek arauzko baskula eta metroak izan beharko dituzte.

k) Salgai guztiak behar bezala babesturik erakutsi beharko dira jendaurrean, eta lurretik gutxienez 60 zm.tara.

l) Janari-edariak ere lurzorua baino gorago jarriko dira ikusgai, errez garbitu eta desinfektatzeko moduko azalaren gainean eta behar bezala babestuta, hautsik edo kutsadurarik har ez dezaten.

m) Saltzaile guztiak eduki beharko dituzte plastikuzko boltsak, saltoki bakoitzeko hondakinak bertan botatzeko. Salmenta bukatu ondoren, tokia garbi, hodakinik gabe utzi beharko dute.

n) Salmenta egiten dutenek, erosleak hala eskatzen badu, salerosketaren ordainagiri edo egiaztagiria eman beharko dute, eta horren gutxieneko edukia honako hau izango da:

- Saltzailearen datuak edo, hala balegokio, egoitzaren izena.
- NAN edo ANA edo IFZ
- Kontsumitzaileen eskaerak aztertuko diren tokia
- Produktua/ak
- Prezioa eta data
- Kopurua
- Sinadura

ñ) Esleitutako saltokitik kanpo ezin izango da ezer saldu, eta geltokien arteko pasabideetan ezingo da zirkulazioa oztopatu.



**Amorebieta-Etxanoko Udala
Bizkaia**

o) Merkataritza-ihardueraren ondorioz sor daitezen zaborrak, ontziak, bilgarriak eta gainerako hondakinak, horretarako ezarritako edukiontzietan gordeko dira. Edukiontzi horien ezarpena ezin izango da aldatu kaleko salmentako ihardueraren eraginez.

p) Saltokiko instalazioak kontserbazio-egoera onean mantendu beharko dituzte.

q) Saltoki- jabeek ordaindu egin beharko dituzte herri jabegoan egin ditzaten kalteak: zoruan, kale argiterian...

r) Erantzukizun zibileko aseguru-poliza izenpetu beharko dute, iharduera gauzatzen den instalazioetan besteei egindako kalteak estaliko dituen.

s) Salgaien eskaintza aldarrikatzeko ozengailuak erabiltzea debekatzen da musika zinta eta konpaktoak saltzen dituzten merkatariak salbu.

t) Udal-baimen guztien titularrek, kaleko salmenta baimentzen deneko merkatuek funtzionamendu egokia izan dezaten, udaleko agintaritza eta funtzionarioek ordenantza hau eta gai honi buruzko indarreko legeria ezarriz ematen dizkieten agindu guztiak bete beharko dituzte.

u) Kaleko salmetarako indarrean dagoen legeriak ezartzen dituen betebeharrak, edota etorkizunean ezartzen dituenak, ezargarri izango zaizkie udal-baimenen titularrei, eta legedia hori jagoteko eta betetzeko ardura herri-administrazio eskudunetako dagokien organoek izango dute.

2.- Aldizkako merkatuetan, ordezkari-batzordea eratuko da, merkatuko saltokietako jabeen artean demokratikoki aukeratutakoa. Batzorde horrek gutxienez hiru kide eta gehienez bost kide izango ditu, eta horren osaeran, ahal den neurrian, merkaturatzen diren salgai guztiak ordezkari izango dute. Merkatuko ordezkari-batzordea merkatuaren ordezkari izango da Udalaren aurrean eta merkatuari dagozkion arazoak konpontzen saiatuko da.

IV. IDAZPURUA: ZIGORTZEKO ARAUAK.



Amorebieta-Etxanoko Udala
Bizkaia

I. ATALBURUA: Kaleko salmenta jagon eta ikuskatzeaz.

27. atala.

1.- Udalak, lehenik, ordenantza honetan ezarritako betebeharrak eta kaleko salmentaren alorrean unean-unean indarrean dauden garbitasun, osasun eta segurtasuneko arauak jagon eta ziurtatuko ditu, beste herri-administrazio batzuek ere euren aginpideez baliatzearen kalterik gabe.

2.- Udalak, jagote-zereginak gauzatzekoan, produktu, iharduera eta instalazioak ikuskatu ahal izango ditu, bai eta saltzaileei horiei buruzko behar adina informazio eskatu ere.

3.- Espedienteari hasiera emateko agintzen duen agintaritzak salgai dauden produktuak badaezpada bahitzea erabaki dezake, baldin eta produktu horiek kontsumitzaile edo erabiltzaileen osasuna edo segurtasuna arriskuan jartzen badute, edo kalitatean edo kantitatean iruzurrezkoak, faltsututakoak, bereizgarririk gabeak edo merkataritzarako ezarri diren gutxieneko baldintzak betetzen ez dituztenak badira .

II. ATALBURUA: Zigortzeko ihardunbidea.

28. atala

Merkataritza-iharduerari buruzko maiatzaren 27ko 7/1994 Legean arautzen den Eusko Jaurlaritzako organoen zigortzeko aginpidearen kalterik gabe, ordenantza honetan xedatutakoarekiko arau-hausteak udalak zigortuko ditu.

29. atala.

Ordenantza honetan aurrikusitako arau-haustekatiko zigorrak ezartzeko eta erabakien aurka jar daitezkeen errekurtsotarako ihardunbidea indarreko administrazio-ihardunbideko arauak ezarritakoa izango da.



Amorebieta-Etxanoko Udala
Bizkaia

30. atala

Kaleko salmentarako udal-baimenaren titularrak ordenantza honetan xedatutakoaren aurka eurek, euren familiakoek edo saltokian lan egiten duten soldatapeko langileek egin ditzaten arau-hausteen erantzule izango dira.

III. ATALBURUA: Hutsegiteak eta zigorrak.

31. atala. Arau-haustek.

1. Arau-haustek arinak, larriak edo oso larriak izango dira.
2. Arau-hauste arintzat hartuko dira ordenantza honetako erabakiak ez betetzea, zuzeneko diru-ondoriorik ez dutenean eta kontsumitzaileei kalterik sortzen ez dietenean, larri edo oso larritzat hartzen ez badira.
3. Larrizat hartuko dira honako arau-hauste hauek:
 - a) Arau-hauste arinak behin eta berriro egitea.
 - b) Zuzeneko diru-ondorioak dituztenak edo kontsumitzaileei kalte egiten dietenak.
 - c) Osasunaren inguruko arau-hauste larriekin batera gertatzen direnak.
 - d) Derrigorrezko udal-baimenik gabe gauzatzea kaleko salmenta.
 - e) Agintariek eta haien kudeatzaileek ordenantza honetan jagote-lanak gauzatzeko eskatzen dituzten datuak emateari edo eskatzen duten informazioa eskuratzen laguntzeari uko edo aurka egitea, bai eta informazio desegokia, osoa ez dena edo faltsua ematea ere, ukatzea edo trabak jartzea behin eta berriz gertatzen denean edo agintaritzekin edo haien kudeatzaileekin bortxa, mehatxu edo beste edozein presiobide erabiltzen denean.



Amorebieta-Etxanoko Udala
Bizkaia

f) Arauak hausten dituzten iharduerak eteteko eskakizuna ez betetzea.

4. Oso larritzat hartuko dira honako arau-hauste hauek:

a) Arau-hauste larriak behin eta berriro egitea.

b) Osasunaren inguruko arau-hausteeekin batera gertatzen direnak edo gizakien segurtasuna arrisku larrian jartzen dutenak.

c) Kontsumitzaileei kalte larriak sortzen dizkietenak.

d) Gehiegizko irabazpidea ematen duten edo ekonomi-antolaketa larriki aldatzen duten arau-hauste larriak.

32. atala: Zigorrak.

1. Kontsumitzaile eta erabiltzaileen babeserako legedia orokorrean aurrikusitakoa ezartzearen kalterik gabe, arau-hausteak merkataritza-iharduerari buruzko maiatzaren 27ko 7/1994 Legean xedatutakoaren arabera zigortuko dira. Arau-hauste arinak eta larriak zigortzea udalari dagokio, honako taula honen arabera:

a) Arau-hauste arinen zigorrak honako hauek izango dira:

a₁) ohartarazpena.

a₂) eta/edo 250.000 pta.rainoko isuna.

b) Arau-hauste larrien zigorrak honako hauek izango dira:

b₁) 1.500.000 pta.rainoko isuna.

b₂) eta/edo salmenta-baimena galtzea.

2. Arau-hauste oso larriak Eusko Jaurlaritzako organo eskudunek zigortuko dituzte.



Amorebieta-Etxanoko Udala
Bizkaia

33. atala: Zigor gehigarria.

Espedientea ebaztea dagokion agintaritzak, zigor gehigarri gisa, faltsututako salgaiak, iruzurrezkoak eta bereizgarririk gabeak edo merkataritzarako ezarri diren gutxieneko baldintzak betetzen ez dituztenak konfiskatzea erabaki dezake.

34. atala: Zigorren mailaketa.

Ezar daitezkeen zigorren mailaketarako, kontuan izango da beti ere saldutako produktuen izaera, egindako kalteak, araua hautsi duenaren asmoa edo behin eta berriro egitea eta arau-haustearen gizarte-eragina.

35. atala: Indargaltzea.

1. Ordenantza honetan aurrikusitako arau-hauste eta zigorrak sei hilabetetara galduko dute indarra, arinak badira; urtebetera, larriak badira; eta bi urtetara, oso larriak badira.

2. Arau-haustek indarra galtzeko epe horiek, gertatu diren egunetik hasiko dira kontatzen.

Doakiona jakinaren gainean egonik, zigortzeko ihardunbidea hastek preskripzioa etengo du, eta zigor-espedientea hilabete baino denbora luzeagoz geldirik egoten bada, ustez arduraduna denak zerikusirik izan gabe, preskripzio-epeak berriz aurrera egingo du.

3. Zigorrak indarra galtzeko epea noiz hasiko den: zigorra jartzeko erabakiak bide administratiboan indarra har dezan egunaren ondokoan.

Doakiona jakinaren gainean egonik, egiteratzeko ihardunbidea hastek preskripzioa etengo du. Zigorra ezarri zaionari egotzi ezin zaion arrazoiren bategatik prozerura eten denetik hilabete igaro ondoko egunetik hasita, hasiko da berriz preskripzioa, horren epe osoa.



Amorebieta-Etxanoko Udala
Bizkaia

ALDI BATERAKO ERABAKIAK.

Lehena.- Ordenantza hau indarrean jarri aurretik emandako kaleko salmentarako baimenen jabeek iharduera hori gauzatzen jarraitu ahal izango dute ordenantza honen babesean, harik eta baimen horien indarraldia bukatu arte. Indarraldi hori, hala ere, eman zenetik gehienez urtebetera amaituko da.

Bigarrena.- Ordenantza hau indarrean jartzen denean izapide-aldian dauden kaleko salmentarako baimena emateko espedienteak (ordenantza hau indarrean jarri aurretik hasiera eman zaielako), ordenantza honetan xedatuta dagoenera lotuko dira ebazpen-aldian. Horretarako, doakienei eskatuko zaie beharrezko diren agiri gehigarriak aurkez ditzatela.

INDARGABETZEKO ERABAKIA

Ordenantza hau indarrean jartzen denetik aurrera, orain onartzen den testuaren aurkakoak diren edo horrekin bat ez datozen maila bereko edo beheragoko xedapen guztiak indargabetu egingo dira.

AZKEN ERABAKIA

Ordenantza hau Toki-Jaurbidearen Oinarriak arautzen dituen apirilaren 2ko 7/1985 Legean agindutakoaren arabera jarriko da indarrean.



Amorebieta-Etxanoko Udala
Bizkaia

ERANSKINA: Planoa

